

2016-10-21

Gonoreja, informacija za pacijente (21.10.2016)

Brošura za zaštitu od zaraze (smittskyddsblad) liječnika za zaštitu od zaraze (smittskyddsläkare).

Zašto ste dobili ovu informaciju?

Vi ste zaraženi ili se sumnja da ste zaraženi gonorejom. Ova brošura sadrži informaciju o gonoreji, kako se liječi i šta Vi morate uraditi.

Što je gonoreja?

Gonoreja je bakterija koja se najčešće kači za sluzokože koje se nalaze u mokraćnom kanalu, rodnici, čmaru ili grlu.

Kako se gonoreja dobija?

Gonoreja se prije svega širi putem nezaštićenog polnog odnosa, kako odnosom putem rodnice tako i analnim odnosom, ponekad i oralnim seksom. Također se može prenijeti petingom* ili seks igračkama.

Gonoreja se **ne** prenosi preko robe, peškira ili u toaletima, jer bakterija ne može da preživi van tijela. Osoba može biti zaražena gonorejom više puta.

*petting = "seks putem maženja", maženje jedno drugoga bez odnosa, zajedničko onaniranje.

Može li se primijetiti da imate gonoreju?

Jedan dio zaraženih nema nikakve simptome, tj. osoba ne primjećuje da ima infekciju. Neki osjećaju da ih pecka dok mokre. Jedan dio dobije bol u grlu, ako se bakterija nalazi tamo.

Žene mogu da dobiju žučkasti iscjedak i/ili bol u donjem dijelu stomaka. Muškarci mogu da dobiju iscjedak iz mokraćnog kanala i bol u testisima. Ako je osoba imala analni odnos, može dobiti iscjedak iz čmara. Čak i kad osoba nema simptome, gonoreja je veoma zarazna.

Da li je gonoreja opasna?

Bez terapije žene mogu da dobiju oštećenja na jajovodima koja mogu da otežaju trudnoću ili mogu da vode do toga da se dijete razvija van materice (vanmaterična trudnoća). Muškarci mogu da dobiju upalu u pasjemenicima. Gonoreja također može da izazove infekciju u očima i ponekad upalu u velikim zglobovima.

Kako se gonoreja liječi?

Gonoreja se liječi antibioticima (injekcije ili tablete). Ako redovno uzimate potrebne lijekove i ako pratite savjete koje ste dobili, infekcija će nestati. Terapija je besplatna.

Morate ponovo doći na prijemno odjeljenje, ako Vam je zakazana kontrola. Možda će biti potrebno izvaditi novi nalaz, kako bi se vidjelo da li je infekcija nestala.

Kada dobijete gonoreju, **ne smijete rizikovati da zarazite nekog drugog**. Najsigurnije je nemati odnose ili neki drugi tip seksa, dok Vam liječnik ne kaže da ste izliječeni. Ako ipak imate seks, **morate** ispričati toj osobi da imate gonoreju i **morate** koristiti zaštitu (kondom/femidom)

Praćenje zaraze (smittspårning) – što to znači?

Veoma je važno pronaći one osobe koje imaju gonoreju, kako bi iste dobile terapiju, djelimično zbog smanjenja rizika za oštećenja (pogledajte gore) a djelimično zbog sprečavanja širenja infekcije na druge.

Ako imate gonoreju, to morate ispričati onome koji se bavi praćenjem zaraze (smittspårare), sa kim ste imali odnos/ seksualni kontakt, ponekad čak i do godine dana unazad.

To što kažete onome koji se bavi praćenjem infekcije je tajno (sekretess) Osobe koje pomenete, neće saznati ko ste Vi. Saznaće samo da moraju da se testiraju.

2016-10-21

Gonoreja se nalazi u Zakonu za zaštitu od zaraze (smittskyddslagen) – što to znači?

U Zakonu za zaštitu od zaraze postoje pravila za pridržavanje kao npr. kako zaustaviti širenje bolesti, kao što je gonoreja, na druge. Vi koji imate ili se sumnja da imate gonoreju, **morate pratiti pravila za pridržavanje** (förhållningsregler), koja vam daje liječnik:

- Morate doći na kontrolu, ako vam liječnik tako kaže.
- Morate reći onome sa kim imate seks, da imate ili da možda imate gonoreju.
- Morate koristiti zaštitu ako imate seks prije liječenja ili dok nalazi ne budu gotovi.

Ako ste dobili pravilo za pridržavanje, za koje mislite da je pogrešno, možete kontaktirati liječnika koji se bavi prevencijom zaraze u Vašem srezu.

Da li želite znati više?

Više informacija o gonoreji postoji na

www.1177.se

www.folkhalsomyndigheten.se

www.umo.se (prijem za omladinu na Internetu)

Svojevoljno mjesto za informacije (*frivillig informationsruta*)

Sreli ste (*Du har träffat*)

.....

Zakazani datum za praćenje bolesti (*Smittspårning bokad datum*)

.....

Sljedeća kontrola (*Nästa återbesök*)

.....

Broj telefona/vrijeme za telefoniranje prijemu/odjeljenju (*Telefonnummer/telefonid till mottagningen*)

.....